

Siðareglur

Kjörinna fulltrúa hjá Vestmannaeyjabæ

1. gr.

Markmið

Markmið þessara reglna er að skilgreina það hárteini og viðmótt sem ætlast er til að kjörnir fulltrúar sýni af sér við störf sín fyrir hönd Vestmannaeyjabæjar. Með kjörnum fulltrúum er átt við bæjarfulltrúa sem og alla aðra sem kjörnir eru til setu í nefndum og ráðum hjá Vestmannaeyjabæ.

2. gr.

Starfsskyldur

Í störfum sínum skulu kjörnir fulltrúar koma fram af háttvísí.

Kjörnir fulltrúar skulu í störfum sínum fylgja lögum, reglum og samþykktum Vestmannaeyjabæjar sem og sannfæringu sinni. Þeim ber að gæta almannahagsmunu og hagsmunu sveitarfélagsins.

Kjörnir fulltrúar skulu ávallt hafa í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku og framkvæma ekkert það sem er til þess fallið að vekja grunsemadir um að annað en lögmæt og málefna leg sjónarmið ráði för við stjórn Vestmannaeyjabæjar.

Kjörnum fulltrúum ber að virða fjárhagsáætlun og grundvallarreglur um fjármálastjórn sem tryggja réttmæta og ábyrga meðferð á almannafé sveitarfélagsins.

Kjörnum fulltrúum ber að starfa af kostgæfni, fyrir opnum tjöldum og vera reiðubúmir að rökstyðja ákvarðanir sínar og tilgreina þá þætti sem ákvarðanir þeirra eru byggðar á. Þeir skulu bera ábyrgð gagnvart íbúum í heild sinni og svara fyrirspurnum almennings um framkvæmd þeirra starfa sem þeir bera ábyrgð á sem kjörnir fulltrúar.

3. gr.

Valdmörk

Kjörnir fulltrúar skulu gæta þess að fara ekki út fyrir umboð sitt í störfum sínum og virða verkaskiptingu í stjórnkerfi Vestmannaeyjabæjar. Þeir skulu sýna störfum og réttindum annarra kjörinna fulltrúa Vestmannaeyjabæjar virðingu. Kjörnir fulltrúar hafa ekki boðvald yfir starfsmönnum sveitarfélagsins.

4. gr.

Hagsmunárekstrar

Kjörnum fulltrúum er óheimilt að nýta sér stöðu sína í þágu einkahagsmunu sinna eða annarra sem eru þeim tengdir, hvort sem ávinningur af slíku kemur fram strax eða síðar, þ.m.t. eftir að störfum fyrir Vestmannaeyjabæ lýkur. Kjörnir fulltrúar skulu forðast hagsmunárekstra í störfum sínum. Um hæfi þeirra við meðferð einstakra mála fer eftir 20. gr. sveitarstjórnarlaga nr. 138/2011

**5. gr.
Gjafir og fríðindi**

Kjörnum fulltrúum er óheimilt að þiggja gjafir, fríðindi eða önnur hlunnindi frá viðskiptamönnum eða þeim er leita eftir þjónustu eða fyrirgreiðslu Vestmannaeyjabæjar ef líta má á það sem endurgreiðslu fyrir greiða eða sérstaka þjónustu. Í störfum sínum skal kjörinn fulltrúi forðast alla hegðun sem gæti talist fela í sér að veita eða þiggja óeðlilega fyrirgreiðslu.

**6. gr.
Trúnaður**

Kjörnir fulltrúar skulu gæta þagnarskyldu um það sem þeir fá vitneskju um í starfi sínu og leynt á að fara vegna einkahagsmuna eða almannahagsmuna samkvæmt lögum eða eðli máls. Trúnaðurinn helst áfram eftir að kjörnir fulltrúar láta af störfum.

Kjörnir fulltrúar skulu virða trúnað um ummæli einstakra fundarmanna á lokuðum fundum í nefndum og ráðum Vestmannaeyjabæjar, sem og um innihald skjala eða annarra gagna sem þeir fá aðgang að vegna starfa sinna og trúnaður skal vera um, enda byggi hann á lögmætum og málæfnalegum rökum.

**7.gr.
Að virða hlutverk starfsmanna**

Kjörnir fulltrúar skulu í störfum sínum virða hlutverk starfsmanna Vestmannaeyjabæjar. Þeir mega ekki hlutast til um að starfsmenn geri neitt það sem hefur þann tilgang að verða kjörnum fulltrúa á beinan eða óbeinan hátt til hagsmunalegs ávinnings, né heldur aðila nátengdum honum eða ákveðnum hópum eða fyrirtækjum. Kjörnir fulltrúar hafa ekki boðvald yfir einstaka starfsmönnum sveitarfélagsins.

**8. gr.
Stöðuveitingar**

Kjörnir fulltrúum ber að koma í veg fyrir að einstaklingum sé veitt starf eða stöðuhækkun hjá sveitarféluginu á öðrum forsendum en hæfni til að rækja starfið eða af öðrum og gæta þess þegar þeir koma sjálfir að ákvörðun um val á starfsmönnum, að hæfasti umsækjandinn hljóti starfið. Kjörinn fulltrúi skal í starfi sínu ekki gera neitt sem veitir honum sjálfum starfslegan ávining í framtíðinni eftir að hann hefur látið af störfum sem kjörinn fulltrúi.

**9. gr.
Kosningar**

Kosningabarátta skal vera háð með því markmiði að veita upplýsingar og skýringar á pólitískum stefnumálum sem frambjóðandi hyggst vinna að. Frambjóðandi skal ekki reyna að tryggja sér atkvæði með öðrum hætti en rökföstum sannfæringarkrafti og umræðum. Frambjóðandi skal halda útgjöldum sínum til kosningabaráttu innan hóflegra og skynsamlegra marka. Frambjóðanda ber að fylgja af kostgæfni öllum ákvæðum í lögum og

gildandi reglum sem krefjast þess að uppruni fjárhæða framlaga til kosningarbaráttu ásamt eðli og fjárhæðum útgjalda séu gerð opinber.

**10. gr.
Miðlun siðareglna**

Kjörnir fulltrúar undirgangast þessar siðareglur með undirskrift sinni og lýsa því þar með yfir að þeir ætli að hafa þær að leiðarljósi. Siðareglurnar skulu vera aðgengilegar starfsfólki, almenningu og fjölmíðlum á heimasíðu sveitarfélagsins og á annan hátt sem bæjarstjórn ákveður til að þessir aðilar geti gert sér grein fyrir meginreglum þeirra. Siðareglur þessar skulu endurskoðaðar í upphafi hvers kjörtímabils skv. 29. gr. sveitarstjórnarlagar nr. 138/2011.

Samþykkt á fundi bæjarráðs Vestmannaeyja þann 13. maí 2015.

Staðfest af Innanríkisráðuneytinu 19. ágúst 2015.

Samþykktar óbreyttar á fundi bæjarstjórnar Vestmannaeyja þann 29. ágúst 2019.